

წინამდებარე ხელშეკრულება დაიდო 2020 წლის „30“ „სექტემბერს“

„სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანებით დამტკიცებული „ელექტრონული ტენდერის ჩატარების წესის“ მოთხოვნათა შესაბამისად სსიპ ეროვნული სატყეო სააგენტოს მიერ სახელმწიფო შესყიდვის განხორციელების მიზნით, **საკუთარი სახსრებით**, ელექტრონული ტენდერის საშუალებით, („სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად.) (SPA 200002297) (CPV – 77210000).

ერთის მხრივ სსიპ ეროვნული სატყეო სააგენტო (შემდგომში **შემსყიდველი**) სააგენტოს უფროსის მოადგილის დავით ალადაშვილის სახით. **მისამართი:** ქ.თბილისი, გ. გუგუას ქ. № 6. ს/კ 204578581. **ტელ:** 2753900. **საბანკო რეკვიზიტები:** ცენტრალური ხაზინა, კოდი TRESGE22, ა/ა GE24NB0330100200165022. (საკუთარი სახსრები. კოდი: 310903) **ხოლო მეორეს მხრივ** ინდივიდუალური მეწარმე „ბეჟანი ფიფია“ (შემდგომში **მიმწოდებელი**). ს/კ 19801119043. **მისამართი:** საქართველო, ზუგდიდი, მ.მესხის ქუჩა №37. (ფაქტიური მისამართი: წალენჯიხა, სოფელი ჯვარი). **ტელ:** 596911818. (ელ.ფოსტა: mile84@mail.ru). **საბანკო რეკვიზიტები:** ს.ს. „თიბისი ბანკი“, ბანკის კოდი TBCBGE22, ა/ა GE67TB7311845064300025. ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება და ზოგადი პირობები

- 1.1 „ხელშეკრულება სახელმწიფო შესყიდვის შესახებ“ შემდგომში – „ხელშეკრულება“) – წინამდებარე ხელშეკრულება.
- 1.2 „ხელშეკრულების (მომსახურების) ღირებულება“ – საერთო თანხა, რომელიც მიმწოდებლის მიერ ხელშეკრულებით ნაკისრი ვალდებულებების შესრულებისათვის შემსყიდველმა შემსყიდველს უნდა გადაუხადოს.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.5 მიმწოდებელი ეთანხმება და აღიარებს, რომ ამ ხელშეკრულებით:
 - 1.5.1 მისთვის შეთავაზებული პირობები ჩამოყალიბებულია ნდობისა და კეთილსინდისიერების პრინციპების დაცვით, არ არის საზიანო მისთვის და შემსყიდველთან არსებულ პირობებთან მიმართებაში ისინი თანაბარია;
 - 1.5.2 შემსყიდველი არ სთავაზობს (არ აწესებს) ვალდებულებათა შესასრულებლად სამოქალაქო კანონმდებლობით დადგენილი ნორმებისაგან განსხვავებულ, შეუსაბამოდ ხანგრძლივ ან არასაკმარისად განსაზღვრულ ვადებს;
 - 1.5.3 დათქმული არ არის ისეთი პირობა, რომელიც შემსყიდველს უფლებას აძლევს გაუმართლებლად და ხელშეკრულებაში მითითებული საფუძვლის გარეშე უარი თქვას თავისი ვალდებულებების შესრულებაზე;
 - 1.5.4 შემსყიდველს მინიჭებული არ აქვს უფლება - შეცვალოს ხელშეკრულების საგანი, ან გადაუხვიოს მას, თუ ამის შესახებ შეთანხმება შემსყიდველისათვის მიუღებელია;
 - 1.5.5 შემსყიდველს მინიჭებული არ აქვს უფლება - უარი თქვას შესრულებაზე, ვიდრე მიმწოდებელს არ შეუსრულებია ვალდებულებები;
 - 1.5.6 გათვალისწინებული არ არის ისეთი პირობა, რომლითაც მას ერთმევა უფლება, გაქვითოს უდავო ან სასამართლო გადაწყვეტილებით დადგენილი მოთხოვნა;
 - 1.5.7 გათვალისწინებული არ არის ისეთი პირობა, რომლითაც შემსყიდველი თავისუფლდება კანონით გათვალისწინებული იმ მოვალეობისაგან, რომ ხელშეკრულების მოქმედების ვადის გასვლამდე გააფრთხილოს მიმწოდებელი მიმდინარე შესრილებაში ხარვეზების არსებობის შესახებ;
 - 1.5.8 გათვალისწინებული არ არის შეთანხმება ზიანის ოდენობაზე მეტი თანხის მოთხოვნის შესახებ;
 - 1.5.9 გათვალისწინებული არ არის ისეთი პირობა, რომელიც გამორიცხავს ან ზღუდავს პასუხისმგებლობას იმ ზიანისათვის, რაც გამოწვეულია შემსყიდველის ან მისი წარმომადგენლის მიერ უხეშო გაუფრთხილებლობით ვალდებულების დარღვევის გამო;
 - 1.5.10 გათვალისწინებული არ არის ისეთი პირობა, რომლითაც შემსყიდველის მიერ ძირითადი ვალდებულების დარღვევისას მიმწოდებელს ერთმევა ან ეზღუდება უფლება, უარი თქვას ხელშეკრულებაზე, ან მიმწოდებელს ერთმევა ან, 1.5.8 ქვეპუნქტის საწინააღმდეგოდ ეზღუდება ხელშეკრულების შეუსრულებლობისათვის ზიანის ანაზღაურების მოთხოვნის უფლება (ძირითადი ვალდებულების შესრულების დარღვევა);
 - 1.5.11 გათვალისწინებული არ არის ისეთი პირობა, რომელიც მიმწოდებლის მიერ ვალდებულების ნაწილობრივ შესრულების შემთხვევაში შემსყიდველს ართმევს უფლებას, მოითხოვოს ზიანის ანაზღაურება მთლიანი ხელშეკრულების შეუსრულებლობისათვის ან უარი თქვას ხელშეკრულებაზე, თუკი მას დაეკარგა ინტერესი ნაწილობრივი შესრულებისადმი.

2. ხელშეკრულების საგანი

2.1 ხელშეკრულების საგანია: საგარაუდოდ (საორიენტაციოდ) 596,97 მ³ წიწვოვანი და ფოთლოვანი სახეობის ხე-ტყის/მერქნული რესურსის (80,92 მ³ – წიწვოვანი, ხოლო 516,05 მ³ ფოთლოვანი) დამზადების მომსახურების გაწევა (შემდგომში მომსახურება) ამ ხელშეკრულების პირობების შესაბამისად.

3. მომსახურების ღირებულება

3.1 მთლიანი სახელშეკრულებო თანხა შეადგენს **38797,0803 (ოცდათვრამეტი ათას შვიდასოთხმოცდაჩვიდმეტი ლარი და 08,03 თეთრი)** ლარს, დღგ-ს გარეშე.

3.2 ერთი მ³ ხე-ტყის დამზადების, შემსყიდველის მიერ მითითებულ ადგილზე ტრანსპორტირების და დასაწყობების მომსახურების ღირებულება შეადგენს 64,99 ლარს, დღგ-ს გარეშე.

4. მომსახურების მიღება-ჩაბარება

4.1 მომსახურების მიღება წარმოებს ეტაპობრივად, ხელშეკრულების პირობების შესრულებაზე კონტროლის განმახორციელებელი ჯგუფის წევრების დასკვნის საფუძველზე წერილობითი ფორმით მიღება-ჩაბარების აქტის შედგენის გზით, მხარეთა უფლებამოსილი წარმომადგენლების ხელის მოწერით.

4.2 მომსახურება და მასთან დაკავშირებული ყველა ვალდებულების დასრულებისთანავე მიმწოდებელი შემსყიდველს წარუდგენს წერილს, რომლის მიღებიდან 5 (ხუთი) სამუშაო დღის ვადაში შემსყიდველის წარმომადგენლები (კონტროლის განმახორციელებელი ჯგუფის წევრები, შემდგომში: „კონტროლის ჯგუფი“) განიხილავენ წერილში დაფიქსირებული მომსახურებისა და მასთან დაკავშირებით მიმწოდებლის ყველა ვალდებულების შესრულების შესაბამისობას ხელშეკრულებით დადგენილ პირობებთან.

4.3 კონტროლის ჯგუფის წევრები არაუგვიანეს 4.2 პუნქტით განსაზღვრული ვადის ამოწურვიდან 2 (ორი) სამუშაო დღისა, ამზადებენ დასკვნას შესრულებული მომსახურების ხელშეკრულებით გათვალისწინებულ პირობებთან შესაბამისობის თაობაზე. იმ შემთხვევაში თუ, მომსახურება და ამ მომსახურებასთან დაკავშირებით მიმწოდებლის მიერ ნაკისრი ყველა ვალდებულება შეესაბამება ხელშეკრულებით გათვალისწინებულ მოთხოვნებს, დასკვნის მომზადების დღესვე ხელშეკრულებით განსაზღვრული პირი ახორციელებს მომსახურების მიღებას, ხოლო თუ, გამოვლინდება, რომ მომსახურება და ამ მომსახურებასთან დაკავშირებით მიმწოდებლის მიერ ნაკისრი ყველა ვალდებულება არ აკმაყოფილებს ხელშეკრულებით გათვალისწინებულ მოთხოვნებს, შემსყიდველს უფლება აქვს არ მიიღოს ნაკლები შესრულება (მომსახურება).

4.4 იმ შემთხვევაში, თუ ხელშეკრულების 4.3 პუნქტის საფუძველით არ განხორციელდა მომსახურების მიღება, მიმწოდებელს დაეკისრება პირგასამტეხლო, ხელშეკრულების მე-10 მუხლით გათვალისწინებული პირობების შესაბამისად.

4.5 მიმწოდებელმა მომსახურების მიღების და/ან საბოლოო შემოწმების შედეგად გამოვლენილი დეფექტი ან ნაკლი უნდა აღმოფხვრას საკუთარი ხარჯებით.

4.6 შემსყიდველი ვალდებულია ნაკლები მომსახურების რაოდენობის და წუნდების მიზეზის მითითებით საბოლოო შემოწმების შედეგები წერილობით აცნობოს მიმწოდებელს.

4.7 მომსახურება მიღებულად ჩაითვლება მიღება-ჩაბარების აქტზე შემსყიდველის მხრიდან ხელმოწერის შემდეგ. მიღება-ჩაბარების აქტზე შემსყიდველის მხრიდან ხელმოწერა შემსყიდველის ადგილობრივი სატყეო სამსახურის უფროსი.

5. მომსახურების განხორციელების ვადები და ადგილი

5.1 მომსახურება (ხე-ტყის დამზადება) და მასთან დაკავშირებული მიმწოდებლის ყველა ვალდებულება უნდა განხორციელდეს ხელშეკრულების გაფორმებიდან 2021 წლის 21 ივლისამდე, საიდანაც: 100 მ³ ხე-ტყის დამზადება უნდა განხორციელდეს 2020 წლის 31 დეკემბრამდე, ხოლო დანარჩენი 496,97 მ³ ხე-ტყის დამზადება უნდა განხორციელდეს 2021 წლის 21 ივლისამდე.

5.2 მომსახურება უნდა განხორციელდეს სამეგრელო-ზემო სვანეთის სატყეო სამსახურის წალენჯიხის სატყეო უბანში, ხუდონის სატყეოში, 78-ე კვარტლის მე-18 ლიტერში (ტყეკავის №008-05-0035953) (სსიპ ეროვნული სატყეო სააგენტოს უფროსის 2020 წლის 21 აგვისტოს №1537/ს ბრძანება).

5.3 ლიტერი უზრუნველყოფილია მისასვლელი სატყეო სამეურნეო გზით. საშუალო მანძილი ტყეკავიდან დამზადებული ხე-ტყის დასაწობების ადგილამდე შეადგენს დაახლოებით 25 კილომეტრს (წალენჯიხის მუნიციპალიტეტი, სოფელი ჯვარი).

6. ვალდებულების შესრულება. მხარეთა უფლება-მოვალეობანი

6.1 მხარეთა ვალდებულება უნდა შესრულდეს ჯეროვნად, კეთილსინდისიერად, დათქმულ დროსა და ადგილას.

6.2 მიმწოდებელი ვალდებულია მომსახურება განახორციელოს შემდეგი პირობების დაცვით:

6.2.1 ზეხმედგომი ხის ჭრა: სამუშაო ადგილის მომზადება (ხის ირგვლივ ადგილის გასუფთავება ქვეტყისგან, ამონაყრების, ეკალ-ბარდების და ბუნებრივი ნაყრისაგან). ხის ჭრა და განსაზღვრული მიმართულებით წაქცევა, ტოტების შეჭრა. ზეხმედგომი ხის ჭრის პროცესის დასრულებისთანავე, დამზადების პროცესის პარალელურად, მაგრამ არა უგვიანეს ხე-ტყის გამოზიდვამდე უზრუნველყოფილ უნდა იქნეს ხე-ტყის დამზადების შედეგად მიღებული ნარჩენების (ქერქი, ნაფოტი, ნახერხი, შეშად გამოუსადეგარი ტოტები) ხურგებად განთავსება „ტყითსარგებლობის წესის დამტკიცების შესახებ საქართველოს მთავრობის 2010 წლის 20 აგვისტოს 242 დადგენილებით დამტკიცებული „ტყითსარგებლობის წესის“ (შემდეგში: „ტყითსარგებლობის წესი“) მე-13 მუხლის მოთხოვნათა დაცვით.

6.2.2 მოჭრილი ხის ღეროდან უნდა იქნეს ამოღებული მაქსიმალურად საქმისი მერქანი-მრგვალი მორი. აგრეთვე, მაქსიმალურად 5 ან 6 მეტრის სიგრძის მრგვალი ხე-ტყის მორის მიღების მიზნით შოლტების დამორვა ბენზოხერხით: ძირზე დარჩენილი ღეროს ნაწილის მოჭრა-შესწორება, მორებზე (შოლტზე) გადასატრეული ადგილის მონიშვნა და მოჭრა;

6.2.3 მორების (შოლტების) მორთრევა ტრაქტორით ზედა საწყობამდე (ბაქანი);

6.2.4 ხე-ტყის დახარისხება და დაშტაბლება ზედა საწყობაში, რაც მოიცავს შოლტის მიგორებას, დახარისხებას სიგრძის და ხარისხის მიხედვით, გადაჭრას სატრანსპორტო საშუალებებზე დასატვირთად, გადაჭრილი მორების ხელმეორედ დახარისხებას სიგრძისა და ხარისხის მიხედვით;

6.2.5 ხე-ტყის დატვირთვა ტრანსპორტზე, ტრანსპორტირება ხე-ტყის საბოლოო დასაწყობების ადგილამდე და გადმოტვირთვა შემსყიდველის მითითების შესაბამისად;

6.2.6 მიმწოდებელმა მოჭრილი-დამზადებული მერქნული რესურსი უნდა დაასაწყობოს შემსყიდველის ან ხელშეკრულების ფარგლებში შექმნილი ხელშეკრულების პირობების შესრულებაზე კონტროლის განმახორციელებელი ჯგუფის მიერ მითითებულ ადგილას (ხელშეკრულებით განსაზღვრულ ადგილზე);

6.2.7 მიმწოდებელმა მოჭრილი-დამზადებული მერქნული რესურსი, ხე-ტყის საბოლოო დასაწყობების ადგილზე უნდა დააღაგოს შტაბელებად კონტროლის ჯგუფის მითითების მიხედვით;

6.2.8 მომსახურების გაწევის პერიოდში შემსყიდველთან ან/და მის ტერიტორიულ ორგანოსთან შეთანხმებით უნდა უზრუნველყოს ტყეკავამდე მისასვლელი სატყეო-სამეურნეო გზების მოვლა ან/და რეაბილიტაცია (გზის მუდმივად გამართულ მდგომარეობაში ყოფნა);

6.2.9 მოჭრას და დამზადდოს მხოლოდ სსიპ ეროვნული სატყეო სააგენტოს მიერ ჭრაში დანიშნული ხეები;

6.2.10 მომსახურების გაწევის პერიოდში დამზადების პროცესის გამართულად წარმოების უზრუნველსაყოფად შეასრულოს სააგენტოს ან/და სააგენტოს ტერიტორიული ორგანოს წერილობითი მითითებები.

6.3 მიმწოდებელმა მომსახურება უნდა განახორციელოს არანაკლებ 1 (ერთი) სამუშაო ჯგუფით. თითოეული ჯგუფი უნდა შედგებოდეს არანაკლებ 6 ადამიანისაგან; მორების საბოლოო დასაწყობების ადგილზე გამოსაზიდად თითოეულ ჯგუფში უნდა იყოს არანაკლებ 2 (ორი) მაღალი გამავლობის სატვირთო ავტომანქანა; თითოეულ ჯგუფში უნდა იყოს არანაკლებ 1 (ერთი) სპეც/ტექნიკა (მუხლუხოაიანი ან/და ბორბლებიანი სპეციალური მორმორევი ან სხვა სპეციალური ტექნიკა, რომლებიც თავისი აღჭურვილობითა და მონაცემებით განკუთვნილია მცირე და შორი მანძილიდან მორების გამოსათრევად) მორების გამოსათრევად და დასაშტაბებლად; თითოეულ ჯგუფში უნდა იყოს ასევე, არანაკლებ 1 (ერთი) სპეც/ტექნიკა (ბუდლოზერი ან სხვა სპეც/ტექნიკა), სატყეო სამეურნეო გზების მოვლა-შენარჩუნებისათვის (გაწმენდა და ა.შ) ან/და მოწყობა-რეაბილიტაციისათვის.

6.4 ხე-ტყის დამზადებისას შრომის უსაფრთხოების ნორმების დაცვაზე პასუხისმგებელია მიმწოდებელი.

6.5 მხარეები თანხმდებიან მასზედ, რომ რამდენადაც დასაზღვრებული მერქნული რესურსი საორიენტაციო ხასიათისაა და ტყითსარგებლობის წესის მე-12 მუხლის მე-4 პუნქტის მოთხოვნების გათვალისწინებით შემსყიდველი უფლებამოსილია არ განახორციელოს მომსახურების შესყიდვა აბსოლუტურად სრული რაოდენობით (მოცულობით).

6.6 ხე-ტყის წარმოშობის დოკუმენტის შეუფერხებლად გამოწერის მიზნით მიმწოდებელი ვალდებულია ხე-ტყის ტრანსპორტირების დაწყებამდე დროულად მიმართოს შემსყიდველს. ხე-ტყის (მათ შორის, დაუფირნიშებელი ხე-ტყის) უკანონო ტრანსპორტირებაზე პასუხისმგებელია მიმწოდებელი.

6.7 მიმწოდებელმა პირადად უნდა შეასრულოს ვალდებულება. ამდენად, მან ეს ვალდებულება არ შეიძლება შეასრულებინოს მესამე პირს, გარდა იმ შემთხვევისა, თუ ამაზე წერილობით თანახმა არ იქნება შემსყიდველი.

6.8 მიმწოდებელს უფლება აქვს ვადამდე შეასრულოს ვალდებულება, თუკი პატივსაღები მიზეზით შემსყიდველი უარს არ იტყვის შესრულების მიღებაზე.

6.9 შემსყიდველს არ შეუძლია შესრულების მოთხოვნა ვადამდე, ხოლო მიმწოდებელს შეუძლია ვალდებულების შესრულება ვადაზე ადრე.

7. ვადის გადაცილება. ვალდებულების დარღვევა. შედეგები

7.1 მიმწოდებლის მიერ ხელშეკრულების პირობების ვადაში შეუსრულებისას შემსყიდველი არ დააწესებს დამატებითი ვადას. შემსყიდველი უფლებამოსილია ხელშეკრულების მოქმედების ვადის გასვლამდე გააფრთხილოს მიმწოდებელი მიმდინარე შესრულებაში ხარვეზების არსებობის შესახებ.

7.2 არ არის აუცილებელი გაფრთხილება, თუ აშკარაა, რომ მას არავითარი შედეგი არ ექნება.

7.3 შემსყიდველი უფლებამოსილია ვალდებულების შესრულების ვადის დადგომამდე უარი თქვას ხელშეკრულებაზე, თუ აშკარაა, რომ მაინც დადგება ხელშეკრულებაზე უარის თქმის საფუძველები.

8. ანგარიშსწორების პირობები

8.1 ანგარიშსწორება მიმწოდებელთან განხორციელდება ეტაპობრივად, ფაქტიურად გაწეული მომსახურების მიხედვით, მომსახურების გაწევის შემდეგ, მიმწოდებლის მიერ წარმოდგენილი ორმხრივად გაფორმებული მიღება-ჩაბარების აქტის საფუძველზე, მისი წარმოდგენიდან 10 (ათი) სამუშაო დღის განმავლობაში.

8.2 ანგარიშსწორება განხორციელდება უნაღდო ანგარიშსწორების ფორმით ლარებში.

9. ხელშეკრულების მისაღება შეცვლილი გარემოებებისადმი, ხელშეკრულებაში ცვლილებების შეტანა

9.1 არცერთ მხარეს არ აქვს უფლება ცალმხრივად მთლიანად ან ნაწილობრივ შეცვალოს ხელშეკრულების პირობები. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9.2 თუ ის გარემოებები, რომლებიც ამ ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გათვალისწინებინათ, მაშინ ნებისმიერი მხარის მიერ შეიძლება მოთხოვილ იქნეს ხელშეკრულების მისაღება შეცვლილი გარემოებისადმი. წინააღმდეგ შემთხვევაში, ცალკეულ გარემოებათა გათვალისწინებით, ხელშეკრულების მხარეს არ შეიძლება მოეთხოვოს შეუცვლელი ხელშეკრულების მკაცრად დაცვა.

9.3 მხარეები ჯერ უნდა შეეცადონ, რომ ხელშეკრულება მიუსადაგონ შეცვლილ გარემოებებს. თუკი შეუძლებელია ხელშეკრულების მისაღება შეცვლილი გარემოებებისადმი, ან მეორე მხარე ამას არ ეთანხმება, მაშინ იმ მხარეს, რომლის ინტერესებიც დაირღვა, შეუძლია უარი თქვას ხელშეკრულებაზე.

9.4 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.5 დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10. პასუხისმგებლობა

10.1 შემსყიდველი უფლებამოსილია ამ ხელშეკრულებით გათვალისწინებული მომსახურების მიწოდების ვადის გადაცილების შემთხვევაში მიმწოდებელს დააკისროს პირგასამტეხლო, ყოველ გადაგადაცილებულ დღეზე, შეუსრულებელი ვალდებულების ღირებულების 0.1 პროცენტის ოდენობით. (ვადაგადაცილებული დღეების რაოდენობაში არ ჩაითვლება იმ დღეების რაოდენობა, რომელიც დაჭირდება 4.2 პუნქტით გათვალისწინებული მიმწოდებლის მიერ წარდგენილი წერილის მიღებიდან კონტროლის ჯგუფის წევრების მიერ დასკვნის მომზადებას).

10.2 თუ მიმწოდებელი ვადის გადაცილებასთან ერთად (ან ვადის გადაცილების გარეშე) დაუშვებს სხვა არაჯეროვან შესრულებასაც, შემსყიდველი უფლებამოსილია ასეთი არაჯეროვანი შესრულების ყოველ კონკრეტულ ფაქტზე დააკისროს მიმწოდებელს პირგასამტეხლო ხელშეკრულების საერთო ღირებულების 0.5 პროცენტის ოდენობით.

10.3 შემსყიდველი უფლებამოსილია მიმწოდებლის მიერ ხე-ტყის ნარჩენების განთავსებისათვის ამ ხელშეკრულებით გათვალისწინებული პირობების დარღვევის შემთხვევაში მიმწოდებელს დააკისროს გარემოსთვის მიყენებული ზიანის ანაზღაურება, საქართველოს მთავრობის 2014 წლის 14 იანვრის 54 დადგენილების მე-10 დანართის მე-8 პუნქტის შესაბამისად.

10.4 იმ შემთხვევაში თუ ხელშეკრულების 10.1 პუნქტით გათვალისწინებული პირგასამტეხლოს ოდენობა მიაღწევს მთლიანი სახელშეკრულებო ღირებულების 1 (ერთი) პროცენტს, შემსყიდველმა უფლება აქვს ნებისმიერ დროს ცალმხრივად შეწყვიტოს ხელშეკრულება. ასეთი საფუძველით ხელშეკრულების შეწყვეტა არ ანთავისუფლებს მიმწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.

10.5 ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება მიმწოდებელს ეკისრება იმ შემთხვევაშიც, თუ ზიანი მიაღდა მესამე პირებს და ეს შედეგი არ დადგებოდა, მისი ვალდებულება ჯეროვნად რომ შესრულებულიყო.

10.6 მხარეები თავისუფლდებიან პასუხისმგებლობისაგან:

10.6.1 თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორით;

10.6.2 მხარეებმა დაუყოვნებლივ უნდა შეატყობინონ ერთმანეთს იმ სხვა პირობებისა თუ მოვლენების შესახებ, რომლებმაც შესაძლოა შეაფერხონ ან ეჭვქვეშ დააყენონ მათი ვალდებულების განხორციელება. ხოლო შეტყობინებიდან არაუგვიანეს 5 (ხუთი) სამუშაო დღისა მხარემ უნდა წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ ფორს-მაჟორულ გარემოებებს;

10.6.3 ხელშეკრულების 10.6.2 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (არგუმენტაციის საფუძველზე) ვადად შეწყვიტონ ხელშეკრულება.

10.7 ამ ხელშეკრულებისათვის ფორს-მაჟორია ნებისმიერი გარემოებით ან მოვლენით გამოწვეული ფაქტობრივი მდგომარეობა, რომელთა თავიდან აცილება, ან აღკვეთა შეუძლებელია მიუხედავად გონივრული მცდელობისა. ეს გარემოებები მოიცავს (მაგრამ არ ამოიწურება): პოლიტიკური აქციები (გაფიცვები, მიტინგები, შენობების პიკეტირება), სამოქალაქო არეულობები, გამოცხადებული და გამოუცხადებელი სამხედრო კონფლიქტები, ტერორისტული აქტი, დივერსია და საბოტაჟი, ემბარგო ან სხვა სახის ბლოკადა, ნებისმიერი ეპიდემია ან პანდემია, კარანტინის გამოცხადება, ნორმატიული აქტებით ბიზნეს საქმიანობის ან სხვა სამუშაოთა შესრულების შემზღუდავი ან ამკრძალავი წესების დადგენა, ბუნებრივი (მეტეოროლოგიური და სხვა სტიქიური) და ანთროპოგენური წარმოშობის მოვლენები: ქარბორბალა, გრიგალი, ქარიშხალი, („ფორს-მაჟორში“ არ ჩაითვლება ჩვეულებრივი მეტეოროლოგიური მოვლენები: წვიმა, თოვსი, ასევე ქარი და ა.შ.), მეწყერი, ღვარცოფი, მიწისძვრა, წყალდიდობა, ხანძრები, ავარიები.

10.8 ხელშეკრულების პირობების საერთოდ შეუსრულებლობის შემთხვევაში მიმწოდებელს დაეკისრება პირგასამტეხლო ხელშეკრულების საერთო ღირებულების 20%-ის ოდენობით. ამ პუნქტის მოქმედების დროს გამოირიცხება 10.1 პუნქტის მოქმედება.

11. ხელშეკრულების შეწყვეტა

11.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ, თუ აშკარაა, რომ მიმწოდებელს ხელშეკრულებით გათვალისწინებულ ვადაში არ შეუძლია განახორციელოს მთლიანი მომსახურება;

11.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

- 11.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- 11.3.1 თუ მისთვის ცნობილი გახდა, რომ მისგან დამოუკიდებელი მიზეზების გამო იგი თავად ვერ უზრუნველყოფს ხელშეკრულებით ნაკისრი ვალდებულებების შესრულებას;
- 11.3.2 მიმწოდებლის გაკოტრების შემთხვევაში;
- 11.3.3 წინამდებარე ხელშეკრულების მე-10 მუხლის 10.4 პუნქტის დადგომის შემთხვევაში;
- 11.3.4 საქართველოს კანონმდებლობით გათვალისწინებულ სხვა შემთხვევებში.
- 11.4 ხელშეკრულება შეიძლება შეწყდეს მხარეთა ორმხრივი შეთანხმებითაც.

12. ხელშეკრულების შესრულების კონტროლი

- 12.1 ხელშეკრულების კონტროლს ახორციელებს შემსყიდველის ადგილობრივი სატყეო სამსახურის 2 (ორი) მეტყევე (იგივე „კონტროლის ჯგუფი“).
- 12.2 კონტროლის ჯგუფის ფუნქციებია:
- 12.2.1 გააკონტროლოს მომსახურების განხორციელების ვადების ხელშეკრულების მოთხოვნებთან შესაბამისობის დადგენას;
- 12.2.2 დაადგინოს შეესაბამება, თუ არა განხორციელებული მომსახურება ხელშეკრულებით გათვალისწინებულ პირობებს და/ან მოთხოვნებს. ამ მიზნით პერიოდულად განახორციელოს მონიტორინგი.
- 12.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.
- 12.4 გამოვლენილი დეფექტის ან ნაკლის აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

13. სადაო საკითხების გადაწყვეტა

- 13.1 მხარეებმა ყველა ღონე უნდა იხმარონ, რათა მოლაპარაკებით მოავარონ ყველა უთანხმოება და დავა. სხვა შემთხვევაში დავა გადაწყდება სასამართლოში მიმართვის გზით, კანონმდებლობის შესაბამისად.
- 13.2 პირობები, რომლებიც არ რეგულირდება ამ ხელშეკრულებით, წესრიგდება საქართველოს მოქმედი კანონმდებლობის შესაბამისად.

14. ინტერესთა კონფლიქტი

- 14.1 „სახელმწიფო შესყიდვების შესახებ“ საქართველოს კანონის მე-8 მუხლის თანახმად, შემსყიდველის მხრიდან ხელშეკრულებაზე ხელმოწერი პირი, აგრეთვე ვიზების დამდები პირები, ამავდროულად ვადასტურებთ, რომ არ ვიმყოფებით ინტერესთა კონფლიქტში აღნიშნულ მიმწოდებელთან.

15. ხელშეკრულების მოქმედების ვადა.

- 15.1 ხელშეკრულება მოქმედებს **2021 წლის 21 აგვისტომდე**.
- 15.2 ხელშეკრულება შედგენილია ქართულ ენაზე, ელექტრონულად, რომლის თითოეული გვერდი ორიგინალია. წინამდებარე ხელშეკრულების ყველა ცვლილება და დამატება ძალაშია შეთანხმების ელექტრონული ფორმით გაფორმებისა და ხელმოწერის შემდეგ.

„შემსყიდველი“

„მიმწოდებელი“

სსიპ ეროვნული სატყეო სააგენტო

ინდივიდუალური მეწარმე „ბეჟანი ფიფია“

დავით ალადაშვილი

ბეჟანი ფიფია

სააგენტოს უფროსის მოადგილე

ინდივიდუალური მეწარმე